

### **Kuulimine.**

Ku ma olli joba seitsme aastane ja septembren hakasi katese saame ,pidi võtme koolitii jalge ala.Hommuku esä ja emä säädseve miu röövide kuulimineki ja sis hakasime mineme,esä võts minnu jalgratta pakiraami pääle ja sõit läits valla .Kigepäält tulli minnä läbi paksu mõtsa peris tükk aiga ,sis lõpes mõts ärä ja hakasive põllu.Sõitsime viil tükik aiga ja hakasive maja paistme ..Kooli lassin pandi meid latsi sis penki istme, iki katekaupa,ma iki pelläsi küll sääl edimelt.Vaadesi iki ringi ,et kus emä ja esä jäive,näie usse vahelt et na istseve sääl toan mis üteldi et tu om kantselei.

Õpeteje ands sis meil kigil kooliraamandu kätte ja üteli et nüüd võide kodu minnä,hommen tulge jälle.Mia küll mõtli ,et sai joba käitus ,midä ma hommen jälle siiä peas tuleme.Mõnda tähte iki joba tundse kah.a ja e sssu täädse kah,neist peas jo aitame kah,pallu noid sis iki vaja täada om.Küll kodun papi luge mul raamatust ette ku ma tahas kuulda mõnda juttu.

Hakasimegi sis emä ja esäge kodupoole sõitme,peris hää olli ringi vahti sääl ratta perä pääl.Kui me kodu saime olli papi vällän vastu ja pahand ,et kun te küll ninda kaua ollide,hunt käis lambakarjan ja viis suure oina ärä.Mia juusse rutusti tuppa vaateme ,et kas iki veli Hans om alle,velleke olli sängun ja magas ilusti ,pöidlake olli suhun.Ma hakasi peris häämeele peräst ikme.

Papi olli iki lasken kah hunti püssist üte paugu,aga suure pakige olli rabanu linnuhaaveldege padruni kapi päält.Esä ja papi lätsive oinast otsme ja löudsive oinakse poole hengege lepikust üles kah. Kunagi hiljemb olli kuulda ,et tu hunt olli mõtsan ärä koolu,papi olli iki häste lasken tedä.

Säände sis olli miu edimene koolipäev. Aasta oli 1953.